

1274, abril, 7

*El bisbe Pere de Girona renuncia a qualsevol dret d'evicció enfront d'Agnès de Foixà, per la compra que li ha fet de possessions situades a Rupià i altres llocs.*

ASD núm. 226, perg. orig., 125 x 240 mm.

Sit notum cunctis quod nos Petrus, Dei gratia Gerundensis episcopus, cum testimonio huius publici instrumenti, recognosco uobis domine Agneti de Fuxano, moniali monasterii Sancti Danielis quod licet contineatur in instrumento uendicionis quam nobis fecistis perpetuo de honore uestro de Rupiano et quorumdam aliorum locorum, quod nobis teneamini de euictione et interesse ratione ipsius uendicionis, prout in instrumento inde confecto prolixius continetur promittimus uobis stipulanti quod si contigeret contra nos moueri in posterum ratione dicte uendicionis seu honoris petitionem uel demandam aliquam a nobis illos honores in totum uel in partem euinci, quod nos ullo tempore non conueniamus neque uobis pro euictionem petitionem uel demandam aliquam moueamus, imponentes nobis super premissis silencium sempiternum et pactum de non petendo et etiam de illa promissione quam nobis fecistis pro euictione in instrumento uendicionis prefati honoris de Rupiano et aliorum locorum in instrumento uendicionis contentarum uos absoluimus et immunem facimus in eternum ad uestrum bonum et sanum intellectum.

Quod est actum .VII. idus aprilis anno Domini millesimo .ccLXX. quarto.

Ego Petrus, Dei gratia Gerundensis episcopus, subscribo. Testes huius rei sunt Arnaldus de Iuuiniano, Bisullunensis archidiaconus, Berengarius de Sestella et Guiielmus de Terradis, clerici Gerundenses.

Sig(s. man.)num Michaelis de Ulmo, qui hoc scripsit mandato Bernardi de Uicco, publici Gerunde notarii. Ego Bernardus de Uicco, publicus Gerunde notarius, subscribo.

La venda referida ací es féu en data de 7 abril 1274, pel preu de 3.500 sous: ADG c. 18, núm. 2 = Cartoral de Rúbriques Vermelles ff. 26v-28r; regest, MARQUÈS, Pergamins de la Mitra, núm. 309.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 470